

四庫全書

史部

欽定四庫全書

欽定南巡盛典卷九十六目錄

奏議

欽定四庫全書

欽定南巡盛典卷九十六

奏議

乾隆二十九年十一月二十三日大學士公傅恒

等奏言恭照

聖駕巡幸所至隨從各行檔向地方官取具印結一事

前欽奉

諭旨傳諭方觀承設法禁革並詳細確查具奏今據該

督將取結各行檔開具清單進呈臣等詳閱該督所奏取結行檔內有結付印票與地方官實有交涉者亦有與地方官全無干涉不應向地方官取結者在該督摺內雖稱不知起自何人但臣等屢奉

聖訓命於沿途訪察約束臣等總理行營並提督衙門俱每次多派員役加意密訪今於取結一事竟未及早行查出奏請禁革咎寔難辭不勝惶悚惟是

隨從人等果有向該地方官需索騷擾之事斷不致絕無聞見即如從前有托稱王大臣等名色向支應房冒領傢伙肉麵者當經臣等查出治罪又如良鄉縣知縣張若瀛稟出冒領草料路費之人亦經臣等奏明將該犯治罪并奉

旨獎賞張若瀛緞疋並交與該督記名陞用今此項取結一事若不過一二州縣偶有應付或猶係庸懦之員受長隨等愚弄所致今沿途經過地方盡復

如此其中豈無強幹能事之員而亦甘心踵弊則
其間必有希圖利益之處在各行檔微賤小人借
此津貼微利以出結為名而在辦差人員亦借出
結以為開銷寔據以致上下相蒙真偽莫辨即如
該督單內所開

御轎上並烏鎗處等項與地方官全無干涉而亦取具
印結殊不可解今該督既稱兩無對証是以向來
並無敗露之案若僅將取結一事嚴行禁革若輩

奸詭伎倆勢必另立名目恣其巧取仍歸於兩無
對証究非徹底澄清之道查該督摺內奏稱每次
自大宛二縣出具印結起沿途州縣見結出給如
或不給則頓生疑慮不給不已等語大宛二縣近
在京城其辦差之長隨雖去來無定然伊等署內
自必現有一二熟手辦過多次之人況必有每次
應付檔冊及書役可據此審既經嚴革必須水落
石出永杜弊端雖蒙

皇上天恩其已往者不加深究然亦必明晰原委以儆將來臣等愚見應請

旨傳取出結之大宛二縣知縣並辦過出結之長隨書役一二名并傳齊單內所開取結各行檔將因何向地方官取結並有無寔在需索是否作何侵冒各緣由臣等會同總理行營及提督衙門三面質對明白俾內外共知無可影射臣等將來仍隨營留心查訪如有另換名色籍端滋擾及包攬侵冒

者隨時

奏明從重治罪如此釐剔肅清弊端自可永絕矣應
否如是辦理伏候

聖明訓示奏入

上諭曰理應如此辦理

乾隆二十九年十一月二十六日遭運總督楊錫
紱奏言恭照來春

翠華南幸接准部咨

聖駕由陸路直至江南之清江浦

回鑾之日由水路直抵德州

聖駕由德州陸路進京

皇太后聖駕仍由水路至通州進京所有來年重運漕船

臣謹遵照二十七年辦理章程頭進船隻俱於正

二月內催備渡黃趕出臨清早者竟抵通州稍遲者亦可於天津西沽海河一帶暫行停避二進三進船隻俱於清江之養馬灘揚州之金灣六開鎮

江之龍嘴常州之高橋蘇州之望亭寶帶橋等處
支河酌量情形以次停避恭候

聖駕回鑾後即緊跟行走不致河道擁擠臣已查照舊
例移咨倉場及各省督撫總河并河知沿途鎮道
營汛一體遵照再查乙酉年係閏二月二進三進
漕船於

聖駕回鑾跟隨行走臣照例委員加緊催儉計六月底
七月初仍可依限抵通不致違悞奏入報

聞

乾隆二十九年十一月三十日總理行營事務和碩簡親王豐納亨等奏言據錢汝誠竇光鼐奏稱
乾隆二十七年

駕幸江浙臣衙門循照二十二年

南巡辦理規條請將各行檔裝載什物車輛俟行至徐家渡水次照數留住以一半交江南一半交山東餽養以備

回鑾應用又查上屆臣衙門預備車四百餘輛實用車
三百六十輛嗣因順屬原車途中間有回空騾馬
不無疲乏之處至交車時山東省分留京車一百
三十五輛江南省分留京車一百四十五輛其不
敷之車在各該省照數備足又因江省素非產車
而東省又有自應備辦之車不能協濟江南仍照
二十二年之例奏明移咨直隸總督檄調附近南
省之景州河間獻縣等邑代僱車輛以濟江省之

用今此次臣等亦即飛咨直隸總督籌辦查從前
順天府所催車四百輛至徐家渡後將一半交山
東餽養一半交江南餽養至

回鑾時再行應用守候需時辦理原未妥協此次
回鑾既由德州登陸情形與從前不同自應仰遵

諭旨另行酌議臣等會同內務府大臣詳悉查核此次
由京至徐家渡共用車三百三十輛若仍令其回
至德州守候餽養非所以仰體

皇上軫恤之至意應請將此項車輛抵徐家渡後即各令散歸俾得及時營生俟

皇上回鑾至德州時所需車二百一十二輛應交山東地方官就近催覓預備但恐山東車輛不足應令直隸總督飭令德州相近之州縣催車一百輛協濟山東應用均于臨時三四日前預備自不至遲悞再恭查

皇太后水路至張家灣登陸止需隨從車三四十輛為數

無多應交坐糧廳臨時就便催脩應用如此辦理
則民車不致羈滯而官差不致貽悞奏入報

聞

乾隆二十九年十二月二十二日傅恒等奏言恭照

明春

聖駕南巡隨往江浙大臣官員兵役執事人等前曾奏
明統以六十馬匹核計隨往餘俱留住又經奉

旨令各衙門將應行減派人員自行奏減今據各該處

冊報隨往渡黃上船人數共二千八百七十一人
比照上屆三十二百三十人之數共減去三百五
十餘員名臣等業其品級之大小及差使之緩急
照從前之例酌量分派共需馬五千二百四十一
匹尚未奏明統以六千馬匹核計之數至渡黃以
及各名勝處原奏派馬俱在四千匹以內今照依
原奏或按人減馬或按差減人渡黃時應需用馬
三千五百零四匹名勝處應需用馬三千五百四

十一匹謹開列清單進呈

御覽俟

命下時行知兩江總督查照並咨兵部照例辦給馬票
一面知照各該處將單內隨往名勝處所減派人
數自行通融辦理至船隻一項仍令該督遵照從
前原定章程將預備

上用船隻及裝載

御用食物等船敬謹預備隨往官兵人等需用船隻可

按從前奏定全數將現在該省所用船隻照單開
人數分別派撥至浙省應如何給票監放之處即
照江省之例一體辦理應令兩江總督傳知浙江
地方官遵照可也奏入報

聞

乾隆三十年二月十二日戶部侍郎兼管順天府
府尹錢汝誠奏言恭照本年

聖駕南巡一切隨營車輛前經總理行營王大臣等議

奏行至徐家渡水次即各令散歸俟

回鑾至德州時交山東地方官就近催備如有不足令直隸總督於附近州縣催覓協濟奉

旨依議欽此查起程時臣衙門共備辦交用車三百四十八輛除沿途陸續回空外其餘車輛現在俱已行至徐家渡水次臣謹遵照原奏各令散歸第恐沿途經過州縣或有別項差務截留封拿轉非所以仰體

皇上優恤畿民之至意臣擬即一面行文江南山東直隸督撫轉飭沿途州縣不得藉端截拿致滋擾累仍一面發給各車戶執照一紙令其收執倘沿途地方胥役人等或有截拿情事即令該車戶將執照呈驗稟明地方官究治如此則回京車輛即可出行無滯而近京車戶俱得及時營生更沐

皇恩於無既矣至

回鑾應需車輛臣現經行文內務府預期酌核需車確

數移咨山東撫臣直隸督臣遵照原奏飭屬催覓
以備回程應用奏入報

聞

乾隆三十年二月十五日兩江總督尹繼善江蘇
巡撫莊有恭奏言據協辦大學士陳宏謀江蘇恭
將劉連捷都司白雲上守脩林宗岱千總李逢春
等勤於緝捕之處開列清單恭呈

聖鑒奉

旨俟到江南時交該督撫等查辦欽此准軍機處交出
到臣等竊照地方遇有盜賊文武各官均有承緝
之責逾限不獲向俱定有處分臣尹繼善因緝限
寬餘地方官未能盡心偵緝是以於上年在京時
奏請立定歲終彙奏之例將各屬盜賊每歲具報
案數分別獲犯多寡其有緝獲本境案犯甚多兼
能偵緝鄰境積匪巨盜者奏請酌予陞用如報案
累累而獲犯甚少者不必待至承緝限滿即行奏

處以示勸懲奉

旨敕議通行臣等現在遵照辦理今據陳宏謀奏稱劉連捷等四員俱能寔心緝捕所獲積賊克盜甚多

臣等查得叅將劉連捷業經蒙

恩陞任貴州平遠協副將其餘三員均係熟練營伍實心緝盜之員而守備林鍾岱才情明幹獲匪最多並能將所獲之案會同地方官審出寔情在武員中尤為出色臣等現在查明各該員緝獲賊匪案

據恭候

聖駕回鑾時隨營帶領引

見奏入

上諭曰回鑾時帶領引見

乾隆三十年閏二月初二日閩浙總督蘇昌奏言

恭照

翠華幸浙首站嘉興府南湖有烟雨樓一處歷屆俱蒙

聖主恩賜臨幸臣等畧加修葺恭備如意舟一隻現泊

嘉興府東門外馬頭又恭脩

皇太后御船一隻泊於北教場馬頭祇候

臨幸烟雨樓之用再

聖駕駐蹕石門鎮次日即由何家橋進路先

幸海寧但中隔長安壩一道必須過壩換船前往臣等

謹於壩南恭脩如意舟一隻伺候

聖駕乘座

臨幸海寧理合一併恭摺奏明奏入報

聞

乾隆三十年閏二月初三日蘇昌等奏言恭照本

月初五日

聖駕自石門鎮起鑾由何家橋過長安壩至海寧

臣等

恭脩如意舟一隻敬泊長安壩南伏候

皇上過壩乘坐再查何家橋至長安壩一帶河道橋高

尺寸不等現在河水長落未定

臣等敬請所有嘉

興烟雨樓前如意舟一隻隨帶於

御舟安福艫後跟往長安壩以備察看臨時水勢情形
聖駕乘坐之用奏入報

聞

乾隆三十年閏二月初四日蘇昌等奏言今春恭
逢

聖主載幸江浙垂念海塘關係民生要務一抵浙境即
由石門縣之何家橋取道長安壩先

幸海塘閱視塘壩工程由塘務抵省

皇太后安輿仍由石門塘棲二處

大營臨幸省城臣等業經遵照預脩惟是臣等扈

從人員必須預行請

旨派定伏查臣等二人均有地方之責荷蒙

聖主臨幸海寧

指示修防方畧臣等理應扈

蹕隨行祇領

訓誨遵循籌辦所有

皇太后安輿晉省應請於將軍臣福祿提督臣武進陞副

都統臣福德臣舒景阿學政臣錢維城織造臣西

寧六人內

勅派河員敬謹扈從恭候

諭旨遵行奏入

上諭曰著將軍福祿織造西寧

乾隆三十年閏二月二十二日尹繼善等奏言竊

照浙江學政錢維城奏請廣刊

御製詩文集一摺欽奉

諭旨傳詢臣等公同閱看仰惟我

皇上

文思天縱

學問日新

幾暇濡毫發為

聖藻闡圖書之精蘊集今古之大成美擅百王妙兼衆

體洵聯珠而合璧實振聵而發聾所以藝苑文林

尊崇

睿製郊簷部屋傾慕

天章或偶見於山郵或欣瞻於佛寺或拱對豐碑而雒
誦或散錄片楮以珍藏人盡心同好逾口出究以
未窺全于美富爰是彌切願于仰鑽顯企

景慶之輝光實爭共快於先覩亟望縹緲之流布允非
阿好之私言並詢之司道暨各地方官所云俱屬
相同伏乞

聖慈俯允錢維城所奏

頒發直省廣為刊布則山陬海澨均沾

教育之深恩於無既矣臣等謹合詞恭奏奏入

上諭曰准其刊布著向武英殿請頒

乾隆三十年閏二月二十六日刑部奏言乾隆三

十年閏二月初七日奉

上諭朕時巡江浙清蹕所經恩膏疊沛軍民士庶無不
不忤舞臚歡而清理庶獄亦矜恤所宜逮用循舊典

以廣深仁著將江蘇安徽浙江三省軍流以下人犯
俱加恩各予減等發落俾得改過自新勉為良善共
享太平之福欽此仰見我

皇上稽古省方

恩膏疊沛

翠華所幸

溫綸之覃被如春

清蹕時巡億庶之歡騰載路重布祥刑

異命用昭矜恤

鴻仁_臣等查乾隆二十二二十七等年

皇上巡幸江浙欽奉

恩旨軍流以下人犯各予減等發落經_臣部奏明除叛

逆緣坐強盜免死發遣家奴喫酒行兇棍徒生事

擾害用藥迷拐子女開窩誘賣并例應給披甲人

為奴及擬遣之積匪猾賊搶竊滿貫並三犯擬絞

三次緩決減等及私鑄十千以上為從並私鑄不

及十千各犯俱屬情罪較重均不准其減等外其餘軍流遣犯並徒杖人犯概予減等發落奉

旨依議欽此今恭逢

恩旨應請仍照乾隆二十七年之例除緣坐等項情罪較重人犯毋庸查辦再改發新疆人犯俱係情節較重亦毋庸查辦外其江蘇安徽浙江三省一切尋常軍流遣犯並犯該發遣黑龍江寧古塔及雲貴兩廣人犯不在前議數條之內者情罪與軍流

相等事犯在

恩旨以前應請一體減為杖一百徒三年其徒罪及雜
犯准徒人犯俱減為杖一百已經到配決杖徒犯
即行釋放逃徒並免緝拿枷杖人犯均應寬免應
刺字者免其刺字應追贓者仍行追贓其應減軍
流遣犯內已犯未審已審未結已結未解及已經
起解計其程限尚未到配者均照例准其會

赦減等再江浙之人有在他省犯案遞回原籍追贓發

配者今既在籍適逢

恩旨亦應一體准其減等其他省之人罪犯軍流遞發江浙者與江浙之軍流不同未便濫邀

曠典至該三省題咨到部尚未核覆及嗣後到部之案核其事犯在

恩旨以前查與

赦款相符者臣部隨案聲明分別減免俟

命下之日臣部行文各該督撫遵照辦理奏入報

聞

乾隆三十年三月初一日傅恒等奏言恭照此次

回鑾

皇上恭奉

皇太后由水路同至德州分營

皇上即由旱路旋蹕

皇太后仍由水路抵通臣等查山東直隸一帶河道紆窄

且在在經由開壩扈從船隻過多未免擁擠當經

傳知各該處不許多派人員乘舟隨行並

御舟之前除必須先往預備者始准在前行走餘俱留
於後營隨行茲據各該處開報隨

皇太后御舟抵通各船共二百五十八隻內應前行船三
十隻至隨從

皇上之大臣官兵如

御前乾清門暨各部院各該處官兵人等行李馬匹俱
按依水次程途在陸路行走一概不准坐船其由

京至徐家渡順天府僱備裝載官用什物暨太監人等乘座之官車三百餘輛先經臣等遵

旨議准於徐家渡後俱令各散營生

回鑾時照應用數目折給船隻隨至德州後再行更換車輛今據各該處開報車輛數目前來臣等按其裝載什物多少折給船隻共一百六十二隻內應前行船五十五隻二共船四百零二十隻較比乾隆二十七年隨

皇太后進京船隻數目尚少數十隻如此酌派前往庶舟行可以順駛而河道不致擁擠再查此次上駟院馬匹暨官用駝隻俱留在德州喂養將來由韓莊開至徐州

皇上由陸路前往其乘騎上駟院馬匹之太監拜唐阿人等亦須由陸路隨行臣等詢悉徐州南岸臨時備八旗之馬一千匹以為官兵由南岸至雲龍山乘騎之用查黃河至韓莊開路不甚遠應交與該

管官於徐州備馬一千匹內先期撥馬三百匹至
韓莊閘地方備抵上駟院馬匹之數並預先傳知
隨往人等務須從簡酌派不許多派人數至駝隻
既在德州喂養一切官兵什物亦應交與該地方
官照前往江寧靈巖山等處章程催備民夫扛擡
俟

命下交與各該處暨地方官遵照辦理奏入報
聞

乾隆三十年三月初五日尹繼善等奏言竊照候
補通判席長知縣許崇文縣丞范國泰丁憂知縣
潘棠許治鍾一元張掄甲縣丞番世英廵檢高慧
葉文麟等十員上年四月內經臣尹繼善奏請留
江差遣如果奮往向前實心辦事俟差竣將作何
補用之處分別請

旨仍行帶領引

見丁憂直隸州德寧安縣丞白熙原應來江候補並懇

先准來江以供驅策欽奉

恩旨著照所請行該部知道欽此該員等自委辦差務
以來無不奮勉趨事經理妥協洵為實心出力之
員除原應在江候補之德寧安服滿後應補直隸
州白熙服滿後應補縣丞外其奏請留江之席萇
等十員俱係應補人員應請一併留江補用查通
判席萇知縣許崇文二員籍隸江蘇應於安徽省
以通判知縣補用其餘八員請於上下兩江缺出

通融酌補李棠許治鍾一元張掄甲應以知縣補用范國泰潘世英應以縣丞補用高慧葉文麟應以巡檢補用各員內已經服滿者應行照例請補其李棠張掄甲葉文麟等三員尚未服滿應俟服滿請補再丁憂鳳陽通判徐文燦歷俸八年因係二十二二十七年兩次辦船熟手上年七月內經臣尹繼善奏准留辦差務船隻事事盡心料理亦甚妥協應請俟服滿後於上下兩江同知缺出酌

量陞補以上席萇等十一員均係辦差出力應行
引

見之員可否容臣等將各員於江寧徐州等處咨明吏
部陸續隨營引

見留江分別補用恭候


欽定_臣等謹合詞具奏伏祈

訓示遵行再徐文燦李棠范國泰三員均於二十八年

大計案內卓異應行引

見合並陳明奏入

上諭曰着行在吏部帶領引見



欽定南巡盛典卷九十六

欽定四庫全書

史部

欽定南巡盛典卷九十八

詳校官戶部郎中臣楊世倫

欽定四庫全書

欽定南巡盛典卷九十七目錄

奏議

欽定四庫全書

欽定南巡盛典卷九十七

奏議

乾隆四十三年九月十四日大學士管兩江總督
高晉等奏言竊惟地臨吳越分星稍遠

堯封跡畧江淮行水每煩

禹畫遡昔

聖祖翠華六度徧咨謀而共予安恬蒙

皇上法駕頻臨勤盱宵而普資樂利元辰元日隨春雨
以流膏先甲先庚應條風而布閭凡茲決澍淪肌
之感洵由

重熙累洽之深白首憶沐膏而咏勤蒼黎思瞻雲以就
日顧自旃蒙作噩之歲載舉

南巡迨今著雍奄茂之年已逾一紀

天顏有喜記留

鑒曾許重來赤子無知惟迎

輦得仲衆戴片獻倍顯於節屋葵傾競向於

楓宸況下河之沮洳成腴度清口而循水誌近岸之漲
沙如阜閱鹽倉而底柴工濁流免倒灌之虞湯水
息頂衝之患藉迴瀾之成奠重望

懷柔殷善後之良模亟邀

臨莅敬惟乾隆四十五年之吉恭逢

聖主七旬萬壽之期簪吳區之塗舞衢謠羣頌箕疇之
五合浙水之鄞駢開接並呼嵩祝之三綺陌含韶

適符行慶香盆郁采宜介恒春伏願

俯順輿情卽頒

溫旨舉

五巡之儀典慰萬姓之瞻依惟冀

恩俞曷勝喁望謹恭摺具奏奏入

上諭恭載

恩綸

乾隆四十三年十一月初六日高晉奏言竊臣在

河南工次接准乾隆四十三年十月二十日奉

上諭昨已降旨允江浙督撫等所請於乾隆四十五年
正月起鑾南巡並諭令沿途毋得踵事增華致滋
糜費矣至蹕路所經水營行宮等事皆不能不需用
度前四次南巡俱曾賞給銀兩以資籌辦而督撫至
道府等大員亦有稱自捐廉俸者今春高晉在京亦
曾奏及照上數屆之例於伊等養廉公項內支用今
高晉楊魁俱有應繳之項勢不能再捐養廉若止令

令司道等員公捐更屬不成事體朕南巡省方觀民
使萬姓共臻安阜豈肯令不肖官吏藉端科派
方今府庫充盈因巡幸而頒發帑金一切皆由公辦
最為盛事朕亦無所靳惜著傳諭高晉即將上四次
南巡每次賞銀若干並查明現辦南巡差務需用銀
兩若干通盤核計據實具奏候朕降旨撥給毋得絲
毫詭累聞欽此伏查上四次恭逢

聖駕南巡均蒙

頒發銀兩開銷正項動支閒款俱係官為辦理並無絲毫擾累閭閻臣在江年久素所深知今庚子年春恭逢

翠華南幸差務一切舊有章程只須量加修治除動支司庫正項并閒款之外添補無多是以臣今春在京面為奏明於上下兩江諸臣養廉內公捐辦理以伸報効之忱不敢請發

帑項昨奉

明旨下頒臣在豫督工正擬俟大工告竣奏懇

陞見將差務諸事面請

聖訓遵行已飛札江寧總局司道督令印委各員將一切工程趕緊估計核實用費馳稟以憑核定尚未覆到今蒙

聖恩垂念及臣與楊魁俱有應繳之項不便令司道等員公捐此實我

皇上體恤臣等惟恐累及閭閻

恩意臣敢不仰體

聖心認真辦理查此次差務雖尚未據司道等估定彙報而臣隨帶檔案內查有上四次

南巡報銷銀數內有動支

恩賞運庫並藩庫及扣平捐廉開欸等項銀兩今分晰開單恭呈

御覽此次差務除添建

行宮三處除俱樽節辦理較之上屆所費有減無增

容俟估報到日臣再為通盤核計另行具奏請

旨遵行奏入報

聞

乾隆四十四年二月二十六日兩江總督薩載奏

言恭照

聖駕巡幸江南沿途應湏分設臺站接遞文報用馬甚多上屆乾隆二十七年及三十年兩次因江南驛馬已奉裁減七百匹不敷派應經前督臣尹繼善

奏請將裁減馬七百匹暫行復額應差俱經仰邀
聖恩俞允今乾隆四十五年荷蒙

皇上再幸江浙所有江省驛馬應循上例暫照原額加
增馬七百匹分派沿途經由各州縣准其于驛站
項下借支採買所需料草自本年十一月初一日
為始照依額設驛馬一體支給在於驛站項下開
銷差竣停其支給仍將所買馬匹照數變價歸還
原項如此辦理則暫增之馬既於差務甚有裨益

而差竣仍行照數變價還款亦於錢糧更無虧缺
奏入

諭如所議行

乾隆四十四年三月初三日兵部奏言據兩江總
督薩載咨稱恭照乾隆三十年

聖駕南巡經由各屬自宿遷入境安設正腰臺站調撥
馬匹派委臺員接遞北來軍機本報其西路文報
由河南按站接遞茲明春

翠華南巡除東路臺站仍照例安設外查得西陲久經
底定一切善後事宜俱經定有章程所有自河南
入江南境接遞西路文報一帶臺站應否毋庸備
辦抑或照前安設相應咨部核覆遵辦恭查乾隆
三十年

聖駕巡幸江浙先據該督以西域蕩平年久西路正腰
各站即於本州縣存棚馬內調撥減半安設各安
馬十五匹令各州縣自行承辦報部明春恭遇

翠華南幸自直隸山東以至浙江例應安設臺站遞送
文報所有入江南境之宿遷一帶東路臺站應照
三十年之例派撥安設至西路文報向係於河南
交界之宿遷起由鳳陽等處安臺遞送今該督以
西陲久經平定其西路臺站應否毋庸備辦咨商
臣等伏查西路新疆文報均關緊要若概由東路
臺站遞送計遠道行走幾及二千里恐致稽遲應
令該督將西路文報各站仍照三十年之例減半

安設在該州縣額設馬內抽撥毋庸另行籌議以節糜費恭候

命下臣部行文該督並陝甘河南各督撫一體遵照奏入報

聞

乾隆四十四年三月初九日薩載奏言恭照歷次聖駕南巡所有隨從官兵執事人等應需乘騎馬匹俱於綠旗標營及江寧京口駐防馬內各撥四千匹

分屯江南江北伺應查綠營兵額馬祇有四千四十餘匹於派撥應差之外所餘無幾誠恐貽誤從前俱經前督臣尹繼善於江西營驛馬內酌調數百匹來江協濟今次仍應一體照辦外惟江寧京口駐防額馬本有六千匹因奉裁京口馬甲二千名即減馬二千匹現祇額馬四千匹儘數當差設遇沿途疲乏無馬添換上屆又經前督臣尹繼善奏准於豫省綠旗營馬內酌撥六百匹來江協濟

差竣之後即留江寧京口駐防作為補額之用照
江省買馬價值每匹十七八兩之數解還豫省買
補足數今乾隆四十五年

翠華重幸江省駐防馬四千匹全行當差誠恐臨期疲
乏無可添補致有貽悞仰懇

聖恩俯准照例撥協庶於差務有裨如蒙

恩准仍照依上屆臣與河南撫臣商定會同將軍臣嵩
椿於存貯馬價內照數移還臣因差馬緊要恭摺

奏懇再此項馬匹應令豫省於本年十月內預期撥送在於兩省交界地方交收所需沿途草料及馬夫飯食等項各歸本省照例報銷合並陳明奏入報

聞

乾隆四十四年三月二十九日薩載奏言恭照乾隆四十五年

聖駕南巡一切扈從人員應需乘騎馬匹於江省綠營

並八旗駐防馬內各以四千匹分派江南江北伺
應其八旗馬匹不敷經臣循例奏請借撥豫馬六
百匹仰蒙

聖主允准為數已屬寬餘而綠營應差之馬通省額數
只三千九百有零雖酌量派撥似足敷用而馬匹
應差日久不無倒缺若不預為籌辦臨時設有貽
誤所關非細上屆經前督臣尹繼善奏請借動司
庫養廉馬價六千兩購買餘馬三百匹以備臨時

倒缺添換所借銀兩俱於各營次年例領大報馬
價內扣還歸款今次自應一體辦理臣於上冬咨
明兵部轉飭各營借動司庫養廉馬價銀六千兩
購買餘匹三百匹加意喂養以脩臨時添換所借
銀兩於來年各營應領例報馬價銀內照數扣還
歸款並咨會漕河撫臣一體照辦奏入報

聞

乾隆四十四年四月十四日山東巡撫國泰奏言

竊照東省於乾隆二十三年奏裁驛馬六百匹乾隆三十年恭遇

聖駕南巡經臨東省需用馬匹不敷經前撫臣崔應階奏請所裁馬匹照江南暫時復額之例於驛站項下借支買補應差仰邀

聖恩俞允今乾隆四十五年

聖駕巡幸江浙臨莅東省需用馬匹現將營驛一併籌撥尚有不敷仰懇

皇上天恩俯照三十年之例將東省奉裁驛馬六百匹
暫准借支驛站項下銀兩買補所需草料夫役等
銀亦照上屆之例自本年十一月初一日起照額
設驛馬一體支銷差竣停其支給仍將所買馬匹
變價歸還原欸既於差務有裨而所借馬價亦照
歸補無虧奏入報

聞

乾隆四十四年六月二十七日兩淮鹽政伊齡阿

奏言恭照

聖駕南巡應用

賞賚銀兩以及金銀牌鏤歷查前屆俱係于兩淮應解
內庫銅斤等欸銀內奏請存留十二三萬兩以備
支用茲庚子年春恭遇

聖主鑾輿巡幸江浙所有

恩賚需用銀兩牌鏤自應仍照向例留項從容辦理飭
司妥議今據運使朱孝純稟稱運庫內有本年秋

季應解已亥綱銅斤引費銀十萬兩又應解已亥
年分

賞借利銀七萬二千兩均係應繳

內府之項請將銅觔引費項下銀十萬兩全留再酌
留利銀二萬兩共十二萬兩以備明春

賞賚之用臣伏查該運使所稟既與節次預脩銀兩數
目相符理合循例恭摺奏明請

旨如蒙

俞允俟屆期

賞賚用有餘剩另行奏明解繳奏入報

聞

乾隆四十四年六月三十日長蘆鹽政西寧奏言

恭照明春

皇上巡幸江浙有天津船塢內應行修理

御舟業將興工日期於本年正月內恭摺奏蒙

聖鑒在案臣率同運使督商敬謹開工修理今於本年

六月十九日一律修理完竣入塢詳加查驗均屬
堅固恭照乾隆三十年

聖駕巡幸江浙

御舟數目謹擬

安福艦

翔鳳艇沙飛船二隻湖船二隻撲拉船一隻烏圖里
船二隻擬於本年九月內擇吉出塢派委長蘆運
同孟淦大使常天佑由直隸山東河路駕赴江南

清江浦預脩伺候其行春舫一隻上屆未及派出
此次似毋庸隨往所需用

御舟前引威虎船暨內務府水手臣呈明該管處照例
酌撥應用至此外應脩一切事宜俱照上屆舊例
遵照脩辦所有現在修理完竣入塢日期理合奏
明並將謹擬

御舟船隻數目另繕清單恭呈

御覽奏入報

欽定四庫全書

御覽

欽定四庫全書

四

聞

乾隆四十四年七月十五日閩浙總督三寶奏言

恭照上四次

聖駕南巡一切扈從人員及官兵騎乘安設臺站馬匹
浙省向資杭州滿營馬匹協濟經前任浙江撫臣
永貴奏請裁去馬一千匹現在滿營實止僅存馬
六百匹明春恭逢

南巡盛典差馬不敷撥用雖經調任督臣楊景素奏請

循照往例預脩動用各綠營庫子年大報馬價銀
七千兩委員出口採買馬五百匹趕回應用但各
營尚有添補之需現據藩司國棟等通盤籌計尚
不敷馬一千八十餘匹詳請在於福建通省提鎮
標營撥用臣查閩省提鎮等標駐劄各地相距杭
州省城自二千餘里以至一千餘里不等山路高
峻往來非易臣再四酌籌查閩省綠旗各營所須
操騎馬匹因隣省馬匹缺乏前督臣崔應階奏請

仍赴口外採買令四十四年分現據各營詳請領價赴口購買補額馬八百七十九匹回閩時必由浙江省城經過即可就便截留仍令閩省差弁在浙攢槽喂養以應明春差務俟差竣後趕回原買營分派撥各官兵操騎似此乘便截留應用免致各營抽撥往返與差務營伍均有裨益至在浙餵養草乾閩省現在本年報倒馬草乾銀兩請即於此項內解浙支給以免動用款項其浙省尚不敷

差馬二百餘匹臣現在於閩省較近浙省之建寧
福寧二鎮所屬各營分酌量抽調並於浙省現有
馬匹內撙節派撥已足敷用奏入報

聞

乾隆四十四年八月二十五日薩載奏言恭照

聖駕南巡沿途管押馬匹船隻以及巡防站等項均
需官兵分派差遣而外出應差一切衣裝盤費在
所必需上屆節次

南巡俱經前督臣尹繼善奏明酌俸俸餉兩月以資脩辦裝束於差竣後全數扣還清欸茲逢庚子年

翠華巡幸據總局司道議詳各營承應差使官兵請借盤費等項似應循照上屆之例屆期將綠營官兵一律公借兩月俸餉江寧京口八旗官兵亦照此酌量動借俟差竣之後於乾隆四十五年夏季起分作二年照數公扣還欸其江西省管理協濟馬匹及來南辦差官兵亦請一律借給臣查俱與上

屆節次借案相符謹循例奏明奏入報

聞

乾隆四十四年十月十一日江蘇巡撫楊魁奏言
乾隆庚子年春恭逢

聖主巡幸江南所有北來扈從官兵人等沿途需用錢
文應需預為籌備臣等先行札行蘇州布政使吳
壇查核辦理茲據該司查明歷屆需用官錢約計
九萬五千餘串向因寶蘇局庫貯餘錢不敷動用

俱係加卯加鑄并收買爐匠工料錢文同局存錢
奏明湊足備用今查局庫現貯錢文除照例搭放
兵餉之外核計截至四十四年年底止共積存錢
十萬四千五百餘串照歷屆預脩官錢需用九萬
五千串之數尚有餘存錢九千餘串已屬有盈無
缺無須另籌加鑄及收買工料詳覆到臣臣等公
同酌量意見相同現已咨明戶部查核並飭令該
司將一切發兌事宜循例預行酌定妥辦奏入報

聞

乾隆四十四年十月三十日國泰奏言恭照前四次

聖駕南巡經過東省所有隨營站道辦差及調赴別汛聽候派撥之各營官兵俱蒙

聖恩預借一季俸餉按季扣還明春

翠華南幸江省官兵現經兩江督臣薩載奏請借支俸餉分年扣還蒙

恩俞允東省官兵事同一例合無仰懇

聖恩循照江南奏准分年扣還歸欵之例

恩准借支一季俸餉俾辦差倍資寬裕各營官兵奮勇

趨事益戴

聖慈高厚於無既矣奏入報

聞

欽定南巡盛典卷九十七

欽定四庫全書

欽定南巡盛典卷九十八目錄

奏議

欽定四庫全書

欽定南巡盛典卷九十八

奏議

乾隆四十四年十一月初七日總理行營事務和

碩莊親王永璫等奏言恭查乾隆三十年

皇上南巡陸路營盤自山東德州以下因隔站俱有

行宮而江南之魯家莊亦有

行宮是以大城蒙古包帳房等項止令備帶一分所

需駝隻及牽駝兵丁酌數一分之用辦理應派兵丁一千名減去三百名止派七百名茶膳房等處酌量給與駱駝車輛拉船人夫於河兵內揀派應行備帶銀兩緞疋由戶部內務府具奏帶往三班侍衛各項官員酌量派往至江南登舟裁減兵丁止派五百名章京四十員虎鎗侍衛兵丁一百三十七名內酌派四十名其餘入於三班侍衛五百護軍數內揀派應給官馬人等俱全行放給隨往

大臣官員年前預支春季俸銀兵丁先領兩個月
盤費途中再行補領登舟後大臣官員馬匹各留
家人喂養其拜唐阿兵丁所騎官馬及官駝交與
山東巡撫喂養至存留喂養馬匹所需麩子草料
等項交與山東巡撫酌量採買以備支糶江浙地
方豆石短少或有應行撥濟之處令該撫咨明山
東巡撫酌量採買運至沂州一帶地方以備支糶
沿途應設臺站由兵部驗明正站腰站安設令各

督撫於通省驛站馬匹內抽撥備用所有經過道路橋梁等處各項事宜交與該督撫照例預行備辦明年恭遇

皇上南巡陸路俱有

行宮大城蒙古包帳房等項俱毋庸帶往只備帶兩分尖城蒙古包帳房等項前鋒護軍仍派七百名其所需駝隻及茶膳房等處所用駝隻車輛交與兵部酌量辦理牽拉駱駝兵丁亦令酌量足用派

出其拉船緯夫於河兵內揀派應用銀兩緞疋等
項由戶部內務府具奏帶往其侍衛三班各處官
員酌量派往至江南登舟之時令裁減兵丁止派
五百名章京四十員虎鎬兵丁既據該處具奏裁
減止派七十名應照舊例派出四十名當差行走
外其餘入於三班侍衛五百前鋒護軍數內揀派
所有應給官馬人等俱照應領之數全給先領兩
個月盤費途中再行補給登舟後大臣官員各留

家人喂養馬匹拜唐阿兵丁等所騎官馬及官
駝交與山東巡撫喂養馬匹所需麩豆草料高粱
等項交與山東巡撫採買以備支糶江浙地方或
有應需撥濟之處令其咨明山東巡撫酌量採買
由沂州一帶地方運往沿途安設臺站由兵部驗定
正腰各站令各該撫於通省驛站馬匹內抽撥應
用所有經過地方應辦夫營道路橋梁一切事宜
交與該督撫照例預行備辦其隨往大臣官員

年前預支春季俸銀之處俱照上次之例辦理再
上次隨往江南之侍衛等因有

恩賞銀五十兩是以未經放給幫貼銀兩查去歲隨往
盛京之三班侍衛鑾儀衛章京等除賞銀外仍給幫
貼銀兩此次往還日期較往

盛京日期尚多而侍衛等差使比別項又繁應請仍
照例支給幫銀至管轄存留兵丁家人之大臣及
照料回京車輛之大臣俟臨時請

旨簡派再查登舟後所需馬匹江以北綠營馬匹四千
江以南八旗營馬四千至浙江等處添備馬二千
匹其放給等項交與兵部行知該省照上次之例
辦理其跟隨

皇上御舟及催備拉船緯夫所需馬匹交與該省亦照
上次之例辦理所需船隻俟各該處派定人數具
報總理行營王大臣彙齊移咨該省辦理其放給
船隻交與兵部亦照上次之例辦理

御前大臣領侍衛大臣軍機大臣

乾清門行走大臣侍衛等船隻裝載

御馬船隻上駟院侍衛官員鑾儀衛章京批本處奏事

處軍機處侍衛處內閣兵部官員船隻俱照例在

前行走其餘船隻俱令在後行走如有承辦事件

應前行者臨時各該處自行具奏江南河路窄狹

恐其混行擁擠應嚴行管轄著交與派出管船之

大臣會同護軍統領所有船隻行住之處嚴行管

轄浙江省放給馬匹等項事宜亦照上次江南省
之例一體辦理

聖駕回鑾時至德州登陸所有經過地方應辦營盤道
路橋梁等項事宜俱交該督撫敬謹備辦再上次
青州滿洲營預備馬八百匹直隸綠營預備馬一
千匹俱於

回鑾時在德州劉智廟等處更換出京時雖未換馬但
由京城至直隸廠登舟之處共二十八站將及二

千里官員兵丁所騎官馬如不更換一次恐馬力
不無疲乏而兩處共備馬一千餘匹亦覺過少查
四十一年前往山東時除青州備馬八百匹外山
東綠營派馬一千二百匹去時在泰安地方更換
一次又直隸綠營派馬三千六百匹

回鑒時在德州地方更換一次此次應請照往山東之
例青州副都統現備滿營馬八百匹再交山東巡
撫將綠營馬匹內選派一千二百匹共馬二千匹

在於泰安地方預備去時官兵所騎馬內如有實
在疲乏者准其更換仍交直隸總督於綠營酌派
馬二千匹在於德州預備

回鑾時更換如此辦理似可少省馬力再上駟院拜唐
阿太監等所騎馬匹留於河北官給草料喂養不
惟需人照管而小人混生事端亦所不免此次除
上駟院帶往圈馬仍照舊例喂養外所騎官馬七
百匹同兵丁所騎官馬亦應交與山東巡撫一體

喂養是否允協恭候

命下之日交與各該處遵照辦理奏入報

聞

謹按是奏內登舟後所需馬匹江以北綠營馬四千江以南八旗營馬四千照上次之例辦理一條查據本年十二月十八日兩江總督薩載奏明八旗營馬向在江以南應差綠旗營馬向在江以北應差乾隆三十年將軍容保等咨明總理行營處

將八旗營馬改於江北綠旗營馬改於江南今次
業經照依上屆之例辦理似毋庸再為更易復蒙
奉

旨准行謹附識於此

乾隆四十四年十一月十六日兵部奏言恭照明
春

聖駕巡幸江南各處馱載什物所需馱隻經臣部查據
武備院覆稱需馱三百五十餘隻茶膳房需馱四

十隻途次預備更換駝共七十五隻以上該駝四百六十餘隻現在直隸喂養官駝六百三十九隻除照數撥用外尚剩駝一百七十餘隻據太僕寺咨稱預備尖城需駝七十餘隻途次更換駝十隻上屆因官駝不敷係催覓民駝馱載此次現有餘剩之駝自應令其照數領用再查此項駝隻日給乾銀一錢在槽喂養自馱載之日起停止乾銀只給空草一束是駝隻負重之日轉無料豆飼喂長

途重載未免易致疲乏竊查駝乾向照旗馬一例
支銷地方官備辦草豆又係預購本有寬裕臣等
酌議應於各駝日支乾銀內每隻各節省銀二分
積存報部遇有馱載差使擬於官給空草外令各
該地方官每日辦給料豆一升資其飼喂作正開
銷毋庸另籌以節糜費如蒙

俞允所有此次各處應需駝數行知沿途按照程期與
草束一同備辦仍令牽駝官員照料兵丁如數領

喂並令該管大臣不時稽查俾得實濟所需豆價
即於樽節銀內抵算還項如此稍為變通以在槽
之有餘補負重之不足駝隻得以保其臙力長途
不致疲斃而馱載一切什物亦不致稽遲有悞至
隨圍木蘭口外各處均有水草牧放仍應照舊例
辦理奏入報

聞

乾隆四十四年十一月二十二日總督倉場戶部

侍郎雅德等奏言恭查乾隆三十年

聖駕南巡因河道糧艘正在盛行之際應需隨時料理

經前任倉場侍郎溫福蔣炳奏請

欽派一人隨往奉

旨著派溫福欽此明春恭逢

翠華南幸沿途

御舟經過一切軍民船隻欽奉

諭旨俱不必停避仰見

皇上重視運務體恤商民之至意惟是春間北漕經過
山東開河夏初南漕過淮渡黃均須隨時料理伏
祈

皇上於臣雅德臣蔣賜棨二人內派出一人隨
駕前往奏入

上諭曰著派蔣賜棨

乾隆四十四年十一月二十三日山東巡撫國奏
奏言恭照明春

聖駕南巡經臣恭繪程站總圖開明道路橋梁清單奏

蒙

聖鑒臣復委道府覆加查勘各處橋梁有止湏酌量水面修建其河灘乾地止湏修墊馬頭不必多費工料通計照上屆可搏節正副橋梁二百八十二丈三尺又加平原縣之趙王河長清縣之六律莊河墊台北沙河界首西沙河以上四河春初並不存水止湏修墊涵洞毋庸建設樁梁計可節省搏辦

正副橋十二座不特工歸實用亦免承辦官浮開
冒銷之弊奏入報

聞

乾隆四十四年十一月二十四日兵部奏言據護
軍統領咨稱准武備院咨開明春

聖駕南巡需用水營黃布城帶往二分或用官駝馱載
或僱覓民馱之處請示到部臣等伏查上屆水營
備用黃布城係隨大城一路行走至江南徐家渡

由該省催備騾頭過河接替馱載明春

聖駕南巡現經總理行營王大臣奏准大城毋庸帶往
只帶尖城二分自京至直隸廠一路俱有

行宮其水營黃布城一項於陸路並無應用之處若
仍用駝隻馱載前往勢必多派官兵牽拉行走往
返徒滋煩費臣等酌議請將此項水營應用之黃
布城交沿途驛遞先期運送之直隸廠飭令該處
地方官敬謹收貯屆期轉交

行營護軍統領支搭應用其

回鑾時山東一路水程尚有需用之處應仍在江省催
備驛頭內撥用其應用數目屆期由

行在兵部酌量挑選核實辦理庶運送較為便捷於
領用駝隻亦多節省恭候

命下臣部行文各處遵奉施行奏入報
聞

乾隆四十四年十一月二十九日永璫等奏言據

山東巡撫國泰奏所有留於山東喂養之馬駝
請就近在於江南之衆興集地方喂養一摺奉

旨令臣等議奏欽此

臣等會議據國泰奏明年

聖駕渡黃後所有官兵騎乘及馱載馬駝留於河北喂
養查從前俱在徐家渡接收分派山東之嶧縣滕
縣鄒縣濟寧州蘭山縣莒州沂水等七州縣喂養
俟

皇上回鑾前數日趕往徐家渡交納但馬駝四千餘匹

若趕回山東往返千有餘里徒勞馬力茲與兩司
議得明年春

皇上渡黃後應留河北之馬匹著江南委員分營接收
交明山東派出文武各員即在江南之衆興集地
方喂養以便臨時就近交納至所需草豆查淮安
揚州一帶地方所種俱係粃米稻草不合喂馬仍
由山東採買草豆運送備用其棚槽等項江南雖
有但此次喂養兩月有餘為日較多現在會商兩

江總督如江南省不能全備即交與山東委員辦理亦屬易行不致有悞查前經臣等具奏明年

皇上南巡

聖駕登舟後大臣官員等俱各留家人喂養馬匹拜唐阿兵丁等所騎官馬官駝交與山東巡撫分喂今國泰既稱江南桃源縣之衆興集地方距徐家渡不及百里而可以立營之高阜所在甚多請將此項馬駝就近接收在於彼處喂養甚屬順便應照

國泰所奏明年春恭候

皇上渡黃後拜唐阿兵丁等所騎官馬官駝應留喂養者即令江南接收交與山東委員在於衆興集地方喂養所需草豆粳子高粱仍由山東採買陸續運送至棚槽等項現據署兩江總督楊魁咨稱業經交與桃源縣在林家庄兩處預備馬槽一千具此外倘有不敷所有增辦馬槽價銀及所用民田應給籽種銀兩為數無多即由江南省開銷毋庸

山東省分償還亦應照該署督所咨辦理奏入

諭如議行

乾隆四十四年十二月十三日鴻臚寺奏言恭照
明年

皇上南巡經過沿途地方文武各官應於幾十里以內
接送

聖駕之處伏候

訓示奏入

上諭曰著照向例在三十里以內接送

乾隆四十四年十二月十八日尚書公福隆安等
奏言恭查上屆

南巡隨往江浙大臣官員兵丁執事人等奏明統以六
千馬匹核計隨往餘俱留住明春

聖駕南巡所有隨往渡黃上船人數據該各處冊報共
三千零五十四人臣等按其品級之大小及差使
之緩急照向例酌量分派共需馬五千四百八十

七匹尚未及奏明統以六千馬匹核計之數至渡黃以及各名勝處原奏派馬俱在四千匹以內今照原奏或按人減馬或按差減人渡黃時需馬三千六百六十一匹名勝處需馬三千六百四十七匹俟

命下時交部行知兩江總督查照并交兵部照例辦給馬票一面知照各該處將單內隨往名勝處所減派人數自行通融辦理至船隻一項仍令該督遵

照舊定章程將預備

上用船隻及裝載

御用什物等船敬謹預備其隨往官兵人等需用船隻
仍按從前奏定船數將現在該省所有船隻照單
內人數分別派撥至浙省應如何給票監放之處
即照江省之例辦理應令兩江總督轉行浙江地
方遵照妥辦奏入報

聞

乾隆四十五年二月三十日閩浙總督三寶等奏

言恭照

翠華幸浙

聖駕由石門何家橋至海寧

內廷主位應由石門先至杭州除派衢州鎮總兵官
常泰布政使國棟寧紹台道王站柱嚴州府知府
木和倫跟隨外應否再派大員之處理合繕寫錄
頭牌請

吉恭候

欽定遵行奏入

上諭曰不必再派

乾隆四十五年三月初五日刑部奏言乾隆四十

五年二月十四日奉

上諭朕鑒輅時巡乘春行慶而清理庶獄矜恤尤深用
沛德音式敷愷澤所有江蘇安徽浙江三省恩詔後
軍流以下人犯俱著加恩各予減等發落因昭肆眚

施恩至意欽此仰見我

皇上稽古省方

恩膏叠沛

溫綸之覃被如春億兆之歡騰載路前奉頒發

恩詔條款各直省軍流以下人犯已蒙

皇仁俱著減等此次

巡幸江浙所有該三省

恩詔後軍流以下人犯又蒙

聖慈矜全誠格外之

殊恩難邀之

曠典恭查乾隆二十七三十等年

皇上巡幸江浙欽奉

恩旨軍流以下人犯各與減等發落經臣部奏明除叛

逆緣坐強盜免死發遣家奴吃酒行兇棍徒生事

擾害用藥迷拐子女開窩誘賣為從并例應給披

甲人為奴及擬遣之積匪猾賊搶竊滿貫及三犯

竊盜擬絞緩決減等及偷創人參私鑄十千以上
為從不及十千為首并擬遣新疆以及由新疆改
發內地等項人犯俱屬情罪較重不准減等外其
餘尋常軍流以下人犯一概分別減免奉

旨依議今恭逢

恩旨應請仍照乾隆三十年之例除緣坐等項情罪較
重人犯毋庸查辦外改發新疆人犯情節較重亦
毋庸查辦外其江蘇安徽浙江三省一切尋常軍

流遣犯并犯該發遣黑龍江寧古塔及雲貴兩廣
不在前議條款之內者情節與軍流相等事犯在
恩旨以前應請一體減為杖一百徒三年徒罪人犯概
減為杖一百褫犯准徒總徒人犯遞減一年已經
到配決杖徒犯即行釋放逃徒并免緝拿枷杖人
犯俱行寬免應刺字者并免刺字應追贓者仍行
追贓其應減軍流遣犯內已犯未審已審未結已
結未詳及已經起解計其程限尚未到配者均照

例准其會

赦減等再江浙之人有在他省犯案遞回原籍追贓發配者今既在籍適逢

恩旨亦應一體准其減等其他省之人罪犯軍流遞發江浙者與江浙之軍流不同未便濫邀

曠典至該三省題咨到部尚未核覆及嗣後到部之案核其事犯在

恩旨以前查與

赦款相符者臣部隨案聲明分別減免俟

命下日臣部行文各該督撫遵照辦理奏入報

聞

乾隆四十五年七月初四日大學士公阿桂等奏

言本年

皇上南巡所有沿途接

駕之文武廢員奉

旨令臣等會同查辦除文職佐雜以下武職千總以下

並休致降調及曾經

賞銜加級並貪酷永不叙用餘罪未經納贖各員遵照
向例扣除外又四十二年以後緣事各員遵

旨毋庸辦理所有應行查辦之文武各員臣等將吏兵
兩部叅革原案詳悉秉公酌核其中或案情較重
或事出有心者亦均行扣除今止檢出文職十二
員武職二員查照向例摘叙緣事畧節繕寫清單

恭呈

御覽伏候

欽定奏入

上諭曰交該部行文調取來京於迴鑾後十月內帶領
引見

乾隆四十五年十月初六日兩江總督薩載奏言
恭照今春

翠華南幸扈從官兵人等應需乘騎馬匹經臣調撥江
南營馬三千八百匹江西營馬四百六十餘匹隨

營伺應各營馬匹應差日久難免倒缺若照常例
辦理所領大報馬價不敷購補且沿途喂養豆草
較之在營時不無多費例支草料銀兩亦不敷用
上屆乾隆二十二及二十七三十等年節次恭逢
聖駕南巡均經前督臣尹繼善奏明差峻之後於通省
各營實搃馬數中酌量情形暫缺十分之二三將
例准報倒馬價及缺馬草料銀兩按月存留公處
通融補苴於一年之後再行購補足額荷蒙

聖恩俞允今次隨營應差馬匹事同一例差峻後臣與
提臣李奉堯往返札商仰體

皇上軫恤兵艱至意通行各營循照上屆之例按各處
情形將額馬暫缺十分之二三以所存馬乾通融
歸補沿途添喂草料并為補買馬匹之用俟明歲
夏間動支積存缺馬草料及例准報倒馬價銀兩
委員出口採買馬匹於冬間回營補足缺額之數
其有差峻馬匹照常堪以騎搭並未報倒無需暫

缺管分亦即據實辦理如此酌籌調劑既於兵丁
毫無苦累而明年即行補足馬數仍無虧缺所有
各營應差馬匹照依上屆通融辦理緣由臣謹循
例奏明奏入報

聞

乾隆四十五年十月初十日陸載奏言竊照乾隆
四十五年恭逢

聖駕巡幸江省

行慶施惠億兆歡欣一切預備事宜先經前督臣高晉
查照上四屆章程分別增減設局辦理臣接任後
仰體

聖心諸從儉樸不敢稍事增華

清蹕所經舉凡水陸營盤橋梁道路與夫

行宮名勝夫馬船隻等項所需經費悉動

帑項發辦絲毫不累官民因此次差務相距上屆乾

隆三十年

南巡已隔十五年之久各工不無應須修整見新又淮
北之桂家庄林家庄龍泉庄三處旱營改建

行宮三座臣與各撫臣并總局司道周厯查勘派委
平日辦事幹練之員詳細確估分別辦理內有因
工程實在虧舊必需拆修需費稍多者即量為加
增有工程尚屬堅固祇須稍加修葺不使過為糜
費此外各項事宜照依往例預備有費與上屆相
符者亦有上屆有而今次未辦或應酌減者均經

預籌估定飭辦並專派道府丞倅往來查催臣復
隨時親詣各州縣指示辦理凡動支正項各欸俱
於差前預估報部其餘隨事隨時由總局揣案估
詳經臣與撫臣核明批准方許動辦差竣後即定
限飭造報銷清冊送局核與預估相符及揣案詳
定並臨期飭令增辦改辦有案可稽者均予准銷
其有不在預估或用數逾於估數又無稟詳批定
案據係地方官自辦者槩不准其銷算各項料物

有差後應須變價者卽令照估折變歸款總期帑
不虛糜官無浮冒民無滋擾茲據江寧蘇州總局
各司道核明造冊報銷臣復細加核算例應報部
動支司庫正項銀十五萬二千六百五十七兩零
較上屆少用銀二萬餘兩循例由撫臣會核

題咨請銷其各項添新修舊工程隨工陳設并磚石
橋路夫船車騾等項計用銀五十一萬一千九百
九十八兩零現在分欵造冊咨送軍機處查核查

上屆咨報軍機處核銷銀四十二萬六千餘兩今
次雖多用銀八萬五千九百餘兩因有淮北添建
行宮三座共用銀八萬九千五百餘兩以之核除比
較上屆用數仍屬有減無增所動銀款查有乾隆
四十三年荷蒙

恩賞運庫銀三十萬兩又藩司並糧道庫內充公閑款
項下存有海門廳解繳天南沙地價銀五萬四千
四百六十兩零又通州節年馬廠公租銀七千一

百一十六兩零又原任運使邊廷掄解繳積存養
廉銀二萬兩奏奉

硃批留充地方公用又各屬解存留漕費銀八千二百
三十七兩零又松太二屬塘工平市銀五千六百
七十六兩零又各年減存行月盈餘銀三萬六千
九百三十二兩零以上各款共銀十三萬二千四
百二十餘兩均係在外充公閑欸堪以撥充差務
之用祇少銀七萬九千五百七十餘兩查乾隆四

十五年復蒙

恩賞運庫銀十二萬三千七百九十二兩零除動支銀七萬九千五百七十餘兩外仍存

恩賞銀四萬四千二百一十六兩零應請留為下屆差務之用此外尚有上屆乾隆三十年差案

恩賞用存銀六千四百四十三兩零及河庫撥解水利平餘銀一萬三千八百二十七兩零二共銀二萬二百七十兩零經前督臣高晋奏明發典生息以